





Jesu prævio,
RECTOR

1653, 4

~~1028~~

18

ACADEMIÆ FRANCOFURTANÆ,

GOTTLIEB

PELARGUS, S. S. Theol.

Doct. & Prof. Pub. Ord. nec non Facult. Theol.

h. t. Decanus, Eloquentiæ item Prof. Extraord.

Ad

Debita, post catadromum Disputationis, in Utroque
Jure Licentiæ præmia spectanda,

Quibus

SERENISSIMI ELECTORIS

annuente Clementiâ,

Nobilissimi porrò Ordinis Juridici suffragio,

VIR

Speçtatisimus, Nobilis, Amplissimus, Excellentissimus,

Dn. PHILIPPUS JACOBUS

WOLFFIUS, J. U. D. ac Pandectarum Professor Pub.

nec non h. t. Facult. Juridicæ DECANUS,

Virum itidem meritis Clarissimum, Consultissimum

Dn. DAVIDEM SCHRÖDERUM,

Treptoâ-Pomeranum,

die 21. Aprilis afficere contendet,

Omnes Reipublica doctæ Cives amanter invitât.

Typis ERASMI RÖSNERI,

Anno 1653.



Anta quondam Paulo exuberabat de suis auditoribus gratulandi materia, ut non minus gloriae ab iisdem in se redundare pronūciaret, quam illi fortassis obtinuerint ab ipso. Hinc illa Cedro linenda verba reperimus:

2. Cor. 1. v. 14.

Chrysof. Comment. in 1. cap. 2. Epist. ad Cor. pag. mihi 748.

Sicut aliquatenus agnovistis, nos gloriationem vestram esse, quemadmodum & vos nostra estis. Cujus contextus patheticum tenorem paulo prolixius aureo suo ore & more exprimit Chrysofomus ita scriptitans. Si tales appareamus, inquit, nostra laus, vestra gloria est; Quemadmodum scilicet nos quoque dum vos laude atque gloriae floretis, exultamus, gestimus & coronamur, & φανόμεθα. Atque hac ratione coronas auditorum suorum, apostolus, cum lumine quodatenus comparat, quo si quis aliquem, tradendo, irradiat, ipse tradens ex repercussu ejus simul illuminari assolet. Coronaverat enim illos nullo non disciplinae optima decore ac virtutibus variis. Minime verò gentium caelum terrae aut terram caelo miscebimus, quando ea, quae

quæ sacro sensu hætenus de jam dictis personis
pronunciata fuere, ad quemvis laudatum do-
centium audientiumque respectum deflecte-
mus. Quilibet, intra erudita consortia, dignus
factus ac dignè coronatus ab alio, ejus certissi-
mè dignitas, corona & honor exstat, qui di-
gnum reddidit dignèque coronavit. Quare
non una gloriandi causa Academia nostræ, præ-
sertim *Nobilissima Facultati Juridica*, emergit,
quæ huc usque tot Viros, laurum feliciter meri-
tos, summo laurûs ornatu condecoravit. Inter
alios edecumatâ qualitate ac Eruditione sin-
gulari eminet *Vir Consultissimus, Clarissimus, Dn.*
DAVID SCHRÖDERUS J. U. Candidatus longè
dignissimus, hæc ipsâ septimanâ honore seruoq;
splendido cingendus. Hujus encomiorum
telam orsurus, subdubito à quo elogio primum
filum detexam. Singula enim peculiarem sibi
requirere operam, vel absque operosa indagine
cernimus. Vitæ interim Ipsius initium ac prin-
cipium, hoc est *Genus* præclarum ante oculos
figere, volupe erit. Nam quavis de omni verè
pio, & sic itidem de *Domino Candidato* nostro affir-
mare liceat, quod speciatim de Basilio Magno
Gregorius Nyssenus exclamare gaudebat: *Genus*
quidem Illi familiaritas & necessitudo cum DEO;
A 2 Patria

Gregor. Nyss.
Tomo 2. operû
Orat. funebri
in laudem Ba-
sily. pag. 929.

Cassiod. lib. 2.
Var. Epist. 15.
ad Venenat.

Patria verò virtus; tamen quantum de Natalibus Eiusdem nobis cognoscere datum est, fideliter recenlebimus. Sic iudicium Theodoret, regis, verè regium, (quod dictante providentiâ sagacissimâ concepisse sese, suo ipsius testimonio asseverabat,) de honoratissimo etiam Domino Candidato nostro prognostici in locū reponi posse, liquidè constabit. Ipse Theodoret, sermo talis est: Providentiâ nostrâ ratio est, ex parentum virtutibus, prolis iudicare successus. Ut ergo ad seriem prosapiæ Clarissimi Domini Schröderi descendamus, Patrem reperimus fuisse Virum multò Prudentissimum, Dominum DAVIDEM SCHRÖDERUM, primarium Senatorem, ac mercaturâ inter Treptovientes felicissimum, Proviforem insuper Templi Mariæ eodem in loco fidelissimum. Mater ibidem inclauit studio virtutum earum, quas decor honestæ matronæ nunquam non requirere consuevit nempè GERTRUDIS Stenen/è familia vetusta, laudabili, imò Treptovientium civitati commendatissima, ortum deducens. Avus fuit Dn. IOACHIMUS SCHRÖDERUS, Camerarius Treptovij perspicax, dignissimus. Nec Aviam silentio præteribimus, MARGARETAM Beggerowen/ ex genere, Consulari dignitate, famigerato.
Horum

Gregor. 15.
1500
1500
1500

Horum Gignentium sanguine procreatus *Dn.*
Candidatus, (postquam parentes, prospiciendo
Ipsi de sancti lavacri usu, institutioni divinæ de-
bitum morem gesserant,) educatione maturâ,
& à teneris, virtuti, atque virtutum omnium re-
ginæ, pietati, dicabatur. Quare, sicut juxta
Casiodori sententiosam facundiam ac gravita-
tem, *Vina in vitibus, messem in semine, frondes in*
radicibus, fructus in ramis, arbores ipsas sensu
contemplamur in nucleis: Ita statim, quos fru-
ctus olim futuros Respublica sibi *ab Eodem* pol-
liceri posset, in puerilibus annis *Ejus*, tanquam
in semine & radicibus, animadvertere licebat;
præsertim in subsidium succurrente ductu Præ-
ceptoris exoptatissimi, *Dn. BARTHOLOMÆI*
VVOLFFENHAGENS, tunc Rectoris scholæ,
nunc Pastoris, gregi *Rovvensi* sedulo advigilan-
tis: Quem tantò majore cultu etiamnum de-
veneratur, quantò velociore in studiis succes-
su indies, per tractum biennem, augmenta sibi
addita eo tempore experiebatur. Sermonem
Latino usitatum, vel (ut cum *Symmacho* dicam,
Monetam Latinaris eloquij, puro stylo exprimere,
Isto docente, accuratè didicerat: Orationibus
scribendis aptissimam admoveere manum lau-
dabiliter noverat: Logicæ habitum utilissi-
mum

*Casiod. cap. 15.
prologi in Psal-
mos.*

*Symmach. lib. 3.
Epist. 3. pag.
m. 17.*

mum perceperat, ut tandem, Domino Parente
sic disponente, ad celebriores scholarum cœtus
ablegaretur: Cùm anno nimirum à partu vir-
ginis millesimo sexcentesimo trigesimo nono
Sedinum mitteretur, ubi disciplinæ Clarissimi,
Dn. JOHANNIS MICRÆLII, Rectoris scholæ,
tradendus sistebatur, à quo non leviter eruditi-
one exornatus recessit, elapso spatio annuo.
Inde Hamburgam perrexit, quo in loco bien-
nium cum additamento sex mensium commo-
ratus fuit, ac Professoribus in Gymnasio
publicè legentibus in abruptam audiendi ope-
ram probavit; privatis insuper collegiis fre-
quentem sese addixit; docendo insuper alios,
cognitionem ex Philosophiæ disciplinis practi-
cis plenam hausit, imbibit. Ut verò ingenij sui
vires venasque sollicitiore industriâ exploraret,
præter alia Disputationum genera, Dissertatio-
nem de Beatitudine Politica sub umbone præ-
sidentis Viri Clarissimi, Dn. M. BERNHARDI
VVESENBECKII Anno 1642. Instituit, typisque
editam oculis doctis exposuit. Non longulis
ab eo spatio spatiis, quando ætas, & intentio
animi, Academica quoque studia urgebat su-
peraddenda, VVarnenses Athenas primò salu-
tare præoptavit: Cujus voti compos factus,
Profes-

Professores ibidem multos, Magistros, nec non
jurium Candidatos, tam iura quam aliquas
Philosophiæ partes explicantes, attentè audivit.
Interim à Cæsarianis copiis nihil non turbarum
ac periculorum bellicorum Patriæ Ipsius inten-
tabatur. Accedebat subitus Dn. Parentis ob-
itus, quæ omnia simul tunc pensiculanda ani-
mum *Dn. Candidati* in varias cogitationes dis-
traxerant. Quâ ob causam in illis Lyceis ultra
annum & semestrè decursum commorari nul-
lus poterat; sed tot ac tantis stimulis, voluntate
etiam Dominae Matris, excitatus in patrias o-
ras revertebatur. Aliquot post menstruos or-
bes, agnatis rectè consulentibus, Viadrinas ad
Musas appulit. Ast quantus tunc adhuc Senio-
rum Professorum confessus, quantus splendor,
quanta authoritas spectabatur! In primis fa-
ventiæ ac diligentæ Viri Nobilis, Amplissimi,
Consultissimi Domini Doctoris COLASII; De-
cretalium Professoris & Juridicæ Facultatis Or-
dinarij sese devoverat. A quo solidâ doctrinâ
instructus verum esse cognoscebat, quod Eru-
ditorum ore percrebrescit: Nempè, conversa-
tionem cum doctis unguentariæ tabernæ simi-
lem esse, ex qua semper aliquid fragrantia re-
portatur in eo & ab eo qui in illam tabernam
descen-

descendit ; quam literarum fragrantiam, cum aliis porrò familiariter agendo, magis magisque adauxit. Quali fervore Virum Nobilem & Amplissimum, Dn. Doct. BRUNNEMANNUM, iis annis Codicis Professore celeberrimum, Patitla V Vesenbecij explicantem, privatim insuper novem libros Codicis ventilantem, audiverit, in memoriam optimè regredimur. Nondum oblitteratum nobis est Juris feudalis collegium, à Jurisconsultissimo Dn. Doct. HENNINGO GROSSIO institutum, cui se frequentem stiterat: Nondum ante oculos nostros versari desit publica Dn. GROSSII Institutionum lectio; Nondum illa juris civilis ad moderna tempora accommodatio: Nondum *Clarissimi Dn. SCHRÖDERI* de Fidejussoribus eorundemque beneficiis Disputatio, præside Dn. D. GROSSIO, habita. Excultus denique tot exercitiorum generibus *Dn. Candidatus*, praxin mox theoriæ suæ, amicabili connubio, jungere gestiebat. Qua de causa ad Cüstrinense Dicasterium se conferre animum induxit, & quidem secundo flumine illuc devectus fuit: Siquidem Ipsi inter Advocatos celebres vivere, tam mensa quam alia conversandi occasio concessit. Totos dies litigantium voces, judicantium sententias auribus

ribus haurire Eidem contigit. Cùm emensus
esset semestris curriculi tempus, vocante *Dn.*
Sororio, Viro Nobili, Gravissimo necnon Consul-
tissimo, Dn. MARTINO VVEBERO, Præside
provincialis iudicij in tractu Schieffelbeinensi,
Schieffelbeiniam progressus est. Quemadmo-
dum grati animi natura consuevit, recordari
nunquam cessat eorum beneficiorum, quibus
per integram anni continuationem *Dn. Soro-*
rius ipsum adjuvit. Quid attexam? Vir tot ex-
perimentis subactus, dignus erat, qui, absque
interveniente ullius dubij alea, officia honestis-
sima subiret. Quicquid autem fuerit, placebat
ei exteris gentes, gentium mores, morum rati-
ones penitus indagare. Id quod facturus, *Gro-*
ningam venit, Anno 1648. *Franequeram* adiit,
ubi semestri continuatione permanens privati
intra collegij recessus *Clarissimum Dn. D. JA-*
COBUM VVISSENBACHIUM, Fur. Professo-
rem, VVesenbecij paratitla enucleatè propo-
nentem, audire sedulus pergebat. *Hinc Lugdu-*
num Batavorum se conferre properavit, ex co-
gnitione Celeberrimorum Juris consultorum,
Dn. BERNHARDI SCOTANI, ARNOLDI VIN-
NIL, JACOBI MÆSTERII, atque plurium, the-
saurum eruditionis majorem sibi comparatu-
rus:

B

rus:

rus: Quorum omnium affectu ita excipiebatur,
ut summos in honores extolli facile potuisset
nisi modestè eos renuendo, sibi temperasset:
Potius, valere jussu eo loco, *Frisia, Hollandia,
Selandia, Flandria, Brabantia, Geldria* civitati-
bus atque Academiis perlustrandis cursum su-
um destinavit. *Ultrajectensia* mœnia, *Ant-
vverpiensia, Lovaniensia, Harderovicensia* itine-
re suo spectare gavilus est. E quibus, cum Mar-
tia crudelitas longiorem peregrinandi licen-
tiam denegaret, iterum ad nostras Academiae
sedes reversus fuit, quas integri triennij durati-
one constans præsentia suâ veneratus est. Datâ
tamen aliquando occasione, ad *Wittenbergen-
sem, Lipsiensem ac Pragensem* locum, quasi facto
diverticulo, excurrere voluit. Qualem se hic
inter nostrates præstiterit, testimonia honori-
fica declarant, præsertim eorum, quorum in
ædibus vixit. Facile palpi suspicionem evita-
vero, etsi prolixioribus affirmavero *Honoratissi-
mum Dn. Candidatum*, quam diu domicilij mei
usibus frueretur, vitam vixisse pietate verâ, ho-
nestate conspicuâ, sedulitate mirâ, humanitate
laudandâ condecoratam. Non intinabo nunc
Collegia, quæ aperuit; lectiones, quibus studi-
osam juventutem insigni adiumento edocuit,
aliaque

aliaque exercitiorum specimina, quibus incla-
ruit. Si omnia æquo iudicio metiri meditemur,
dignissimum omninò cœtus eruditus iudicat,
cui aditus pandatur ad Honoris ædes amplissi-
mas. Quod proximè continget, dum *Specta-
tissimus Facultatis Juridicæ Decanus splendidam
Licentia in Jure Utroque laurum* Eidem ad
diem 21. Aprilis, conferre paratus est.

Qui hætenùs amore sincero Dn.
SCHRÖDERUM amplexi fuistis, *Cives A-
cademiæ florentissimi, Honorib; porrò Ipsi-
us assurgite.* Frequentiâ vestrâ ACTUM
tum DISPUTATORIUM, tum PROMOTIO-
NIS CELEBRITATEM magis magisque
exornate: Exornate ac veneramini eum,
qui haud exiguo ornamento nostræ fuit
Academiæ atq; futurus est. Gratitude-
nem; quam tacito pectore jam concipit,
opere manifesto depromet. Fundite
certatim preces pro Academiæ hujus
*Conservatore Clementissimo, ELECTO-
RE SERENISSIMO, ejusq; medullitùs ad-
amata CONIUGE.* Circumvallet *inte-
gram domum Brandenburgicam* divina
B 2 ubiq;

ubiq; bonitas, omnisq; generis profpe-
ritas. Deniq; sic agite, ut, cum olim
Ecclesiastæ fideles testimoniis suis con-
ditionem vestram detegere jubebuntur,
non aliâ nisi Pauli voce, exclamare ve-
lint valeantque. ; *Agnovistis nos glo-
riationem vestram esse, quemadmodum et
vos nostra estis in die Domini Jesu.*

V. O.

G. P. D.


ULB Halle
006 558 364

3




VD17





B.I.G.

Farbkarte #13



1653,4

~~1028~~

18

URTANÆ,
IEB

S. Theol.
Facult. Theol.
Extraord.

ionis, in Utroque
anda,

ECTORIS

ci suffragio,

cellentissimus,

ACOBUS

n Professor Pub.

CANUS,

sultissimum

ÖDERUM,

tendet,

ter invitat.

ERI,

